

黎文僖公集

黎文僖公集序

東陽昔從文僖黎公先生游
舉業之暇獲見所為古文歌
詩諸作時公方以狀元及第文
名滿天下公退以下外監潘鄣

購者踵相接公每用短素札
方格正書不復屬草運恩命
筆名廢答簡而詞整意足動
數十萬言月累歲積至盈几
案公亦不自愛惜或爲人所持

去及往返放邑田租舊郡道
逢匡荀間逸失過半以既致
政歸棄諸生越數年其長子
南康知府民收亦卒次子小西
右布政使民表輯其家遺稿

得若干篇多出傳寫亥亦不可
讀東陽乃與劉兵部時雍楊
吏部道寧參互考訂釐為若
干卷而民表實錄粹以傳上
嘗誦古人立文大抵以豐蔚

充膽者尚以雕飾刻削為病
東陽雜在醫中頗能測識上
意因進而請曰以非孟氏知言
養氣者青年以白得之矣蓋文
章之與事也亦大抵皆氣之所

為氣得其善心則發而為言
而成文為聲者皆充然而有
餘措而為行行為事功者
亦發然而不可奪願養在我
而用不窮乎時故常為樂

蘇眉山之氣見于文章
韓忠獻富文忠之氣見于功業
雖所就不同其在天下皆名不可
泯者之積學未仕時累試科
第而志益堅在翰林上書執

政操之官得罪去固已氣蓋一
時矣居常遭值猜嫉而放言
高論不少為遷就及登華陟
峻稍不免于投閒置散而定
力雅操未嘗苟同于世故雖

功業未能盡見其所養者固
存今即其文觀之其所謂望
蔚克瞻者蓋若是盛也況亦
有不盡其傳者乎然觀室者
必觀其隅後之學者勿以名

因其父尚論至世之可以識其
人矣東陽獲奉饒餘忝竊科
第僥冒祿位非徒學力未至
而才不稱事於之殆方愧焉又
不能免采放失俾去遺憾謹

序次其所僅存者而因以附
名姓于後云以字太樸別陽樸
齋官至南京禮部尚書文懷
賜諡也

正德辛未十二月八日特進光

二角
集
祿方夫左柱國少師兼

太子太師吏部尚書
華蓋

殿大學士知制誥同知

樞密事
國史館監修門官長

沙李東陽謹序

黎文僖公集序

我先生樸菴黎公棄諸生二十有一年矣其仲子山西右布政使民表以公務來京出其所輯詩文遺稿若干卷并

今少師西涯李公所為序示
予請序諸次簡一清少游先
生門實踵西涯公後與民表
昆季同筆研先生恒子視之
壯彊不自立文章事業漫無

所成就今老矣忝竊重位碌
碌無補慚負教育三復遺文
不知予涕之焉從也於戲先
生雖沒而風神氣韻之不泯
者固於是乎存哉夫文章與

時高下而制作之疵醇取必
於天下後世未始不由乎其
人故文主於氣氣存乎養知
言者莫之能違也然前輩謂
昌其氣必先昌其志氣志之

所為孟氏之論固若是先生
自布衣時已懷用世之志既
魁天下入翰林遭時承平危
言危行自信不疑視天下之
事無不可為者而文章乃其

緒餘耳顧職在撰述不親政
事既乃柄用而格于媚忌弗
究厥施晚更投置閒散而天
又奪之速故其表焉見于世
者惟文字為多卷帙解版流

播四方意到屬辭不煩思慮
亦不求合古人繩尺而宏偉
辯博成一家言竊嘗窺之其
志高明足參天地正直足對
鬼神堅固足貫金石宜其氣

之昌於文者若是乎其盛也
先生之言曰某之文多酬應
非敢自擬立言故其著作多
不存稿若良農傳有柳宗元
種樹郭橐駝傳之風及擬古

樂府諸篇得漢魏遺意是集
俱不載則其所散失可勝計
哉此門弟子之責也故敬序
其所存者如此至論其在

講筵有因事納說之忠焉司貢

舉有黜浮崇渾之力焉佐銓
衡則抑倖進杜請託扶植正
類使天下陰受其賜

國史家乘當有鴻筆紀載之
非淺薄所敢議也

正德壬申春正月既望榮祿
大夫少保兼

太子太保吏部尚書前都察
院右都御史奉

勅總制陝西三邊諸軍事門生

石淙楊一清謹序

黎文僖公集卷之一

五言絕句

恩榮圖為葉進士題

恩獎恬退節榮勗貞廉風勿因時俗私忽此天道公

輓陳鴻漸郎中祖

國有茅廩爵家有兄應門薜薜棠棣華南北相為春

詠雪梅

雪能助梅色梅肯添雪香陰陽此和會清滿白玉堂

詠月梅

月下仙人去冰魂此地留姮娥應素識邀入廣寒遊

黎文僖公集卷之二

五言律

黃學士廷臣奉使安南即其地賦滄溟水銅柱山
明都日三詩送之

龍節臨南徼鯨波接上京
映空明六轡和月照雙旌
化雨涵濡潤恩波灌溉平
須令遠人說堪比使君清

右滄溟水

勝蹟前朝著天恩
此日遭茅分遺將畧槎
泛出仙曹野樹紛迎旆
林花艷染袍
須令遠人說堪比使君高

右銅柱山

寶曆宗堯典金符錫漢卿
草萊同仰照葵藿久傾誠
上

國璿璣運南郊玉帛迎須令遠人說堪比使君明

右明都日

王牧之月梅

雪後參橫月嫦娥伴玉人誰揮三昧手留此四時春冷
浸梨雲夢香迷桂殿神仙魂何處覓招作草堂賓

愛蓮為戴正悼其父冕

念昔智者水時開君子花遠香清有味正色靜無瑕太
華神仙井瀟溪道義家物亡人已逝遺恨吐天葩

寄同窓友

鄉里如今舊星霜半紀餘物宜生處樂人到歎年踈霧
雨南山豹風雲北海魚無因對樽酒歸話夜窓書

訪童庶子村庄

酒釀門前水詩題畫裏山板橋芳草渡茅舍綠溪灣
為忙來少官因靜得閑殷勤隄外鶴相送莫雲還

題蘭竹送應頊赴南京都府都事

古道日云遠晴田秋草荒東茲君子操託交王者香
滌沃雨露節義凌冰霜江南有真樂綺石排雲蒼

三伏苦雨酬吳孟章韻

地以雲為幕天傾水作潢濕添南畝苦暑困北方強
路迷原渚魚飛過別塘淋漓郭西路疑是洞庭鄉
官馬行泥淖朝衣染濕雲蛟龍走烟霧雷電接朝照
沒園林樹衣號鳥獸羣西山罷修寺民患九重聞

見說邦畿外泥理早稿香人家沉破竈物命委頽牆橋
柱衝濤動門庭入水涼朝霞似多事晨起復騰光
聞道漕河裏洪波挾海傾摘頽漂餉食棹折息歌聲鞭
石陽猶否觀星夜或晴瞻天仰究日氣序待秋平

宿昌平瑞光寺

佳境橋山麓新城覺路開人因忙少到我樂靜勤來秋
雨黃雲地春泉皓月杯老僧初卓錫種樹已成材

題山水小畫

遠水漂舟小繁雲隱市深茅堂留客坐竹逕共僧吟草
長迷津渡泉飛濕樹林此中多逸興看畫可清心
水氣浸堦重山光入閣多牕橫雲縹緲澗長樹嗟峨客

自携書隱人誰載酒過猶疑最深處
伐木有樵歌

熱文僖公集卷之三

七言絕

題畫山水

江岸潮平水閣涼，遠山重疊入雲蒼。
展書自有幽林趣，野草閑花幾度霜。

書屋雲陰晝不開，清泉白石駐蒼顏。
客來正好譚流水，莫棹孤舟渡口還。

綠樹橋邊草徑分，數峯遙隔半天雲。
朝川烟雨重模得，神妙能空畫史羣。

衡岳秋清紫翠堆，湘江風定片帆開。
生平野性安林壑，却憶乘舟月下回。

烟梅

夢醒羅浮倚玉人輕籠素練不生塵
可憐翠羽啼殘月只露南枝一半春

雪梅

點綴瓊瑤一萬條曉來着日不全消
羔兒擁醉銷金帳誰復騎驃出灞橋

月梅

冰肌橫倚廣寒宮自是嫦娥氣味同
姑射有心看桂子也應識得狀元紅

為林隱邢先生賦橫槎水閣江岸山屏二首

水邊仙閣地清高閣外橫槎當小舸
却笑張翥名山

天河往返不勝勞

右橫槎水閣

江頭山作四圍屏，空翠常飛入戶庭。
安得倚天千丈筆，遍題詩句答山靈。

右江岸山屏

金臺送別為邵性

霄漢無雲麗日垂，一春終見好天時。
楊花本是漫天雪，莫遣風吹落硯池。

挽大司徒年公

風靡波頽巧莫窺，看人須看蓋棺時。
尚書歿後家為殮，未有常人一半貲。

自古堅鋼不作鈎，幾曾隨世共沉浮。此身便抗忠貞死，正氣猶令弱草羞。

博贈恩榮謚法公，名高信史事無窮。秋官烈日天同久，萬古人懷正直風。

題宋宗競渡圖并序

宋轅南徙其樂事無減，宣和時每端午節命西湖競渡。上率嬪妃縱觀，歲以為常。其好事者即所見圖之，此亦工執藝事以諫者乎。都憲李德廣得之，命予賦詩，因寫二絕。

江上龍遊萬古喧，玉樓金殿枕江邊。君王日倚雕闌看，不管神龍失故淵。

剡水為龍吊屈魂吳鄉猶襲楚風淳宋人只樂南方好
未見沈沙有諍臣

折楊柳二首送白廷儀奉使江南

萬樹青雲薊北門來時枝葉未曾繁雕鞍寶馬今為別
却有長條拂酒樽

春色撩人蕩遠情攀條何惜百壺傾菊衣公子充能事
却在枝頭說友生

太常陳蒙軒居西湖備軒亭之勝九原不作俯仰
今昔愴然予懷因詩以寓意

往日詩名北斗間玉堂金馬住蓬山軒餘秋水芙蓉老
不見仙人化鶴還

右芙蓉秋水軒

震撼西湖雨一蓬秋聲來往夢魂中
廣南霖雨應如此却逐晴霞散晚空

右聽雨蓬

春韭香生夜雨餘隔江時喚舊尚書
舉觴更設黃梁飯炊熟黃梁夢已虛

右春韭軒

寒凝玉氣滿瓊臺零落孤山酒百盃
應共逋僊弄明月夜深雙棹一歸來

右雪香亭

輓王惟臣學士父

珠璣遠採玉窮搜風月天教得自由五十年来吟有料
青山瘦損海生愁

金擗神方四葉傳生還萬鬼不論錢等閑却笑廬山杏
皆求名未是仙

西國官榮長鳳雛二郎仍直玉堂廬黑頭親被褒封勅
不負前時教讀書

世俗矜誇子弟榮每求官府悅鄉情臨安要路多青草
公不馳車試一行

古稱多壽在仁人甲子誰教欠一春應共逋魂作梅友
孤山落月倍傷神

題風梅圖

湘靈解說臨江珮
羌笛吹殘出塞聲
憑仗絲毫傳舊恨
水邊離落一枝橫

題烟梅圖

遠迷薄霧藏春信
近隔輕綃見玉人
可是東君留雪艷
未移疎影出風塵

因觀謝大韶輓其子綱卷倍增感愴
昔予教成姪
民政與同領鄉薦
予官京師民政升太學歸
及來會試竟沒於予寓所
綱之存沒與民政真無異也
而綱之尊翁又與予歷跡皆同
予視綱猶視姪人情於此殆不能堪
作輓詩曰

龍抱驪珠出紫淵
忽然珠碎玉階前
年來想是驪龍哭

淚雨成河漲九川

禍淫福善本皆公
蹶壽顏殤乃不同
身後豈惟顏路苦
瑟歌哀滿素王宮

輓少詹事柯孟時

鳳下岐山試一鳴
蒼姬禮樂制皆成
可怜卅穴長歸去
不駕祥風到玉京

清獻魏梁帝自裁
梗楠斲就竟教摧
古來材大難為用
莫怨工師棄大材

輓戴舉人母伍氏

難將寸草報春暉
猶待庭前衣錦歸
痛惜教成新婦織
錦花零落孟家機

輓程信尚書

瀛海移家本是仙人間來作濟時賢
魂朝紫極今歸去應侍天皇玉几前
都掌山頭捷報傳郊畿奏凱六師旋
酬功已許兼廷尉更賞曹彬百萬錢

才兼文武位台司南國江山待保障
寧識畢公為政日却當伊尹退身時

歸到新安是故鄉重修祖廟事蒸嘗
傳家有史如諸葛十頃良田八百桑

題定西侯蔣公碧桃翠竹畫扇

講武歸來月滿池碧桃垂玉傍金枝
一天清興催詩發

此味惟應月得知

題黃叔高畫四首

雙戲王睢樂及時
柳塘烟雨萬絲垂
古人琴瑟今圖畫
嘆息周南正始詩

右柳塘睢鳩

金印封侯事渺茫
河橋嫁女亦荒唐
司徒有喜能先報
日日雙飛入畫堂

右黃梅雙鵲

鵲鷺曾同御史班
飛尋野水樂幽閑
殘荷偃蓋難擎雨
猶畏風霜舊日寒

右敗荷鷺鷥

積雪初晴日未西上林金樹借羣棲府中今設尚書戟
恩信何妨夜夜蹄

右枯木寒鴉

致事憲副韓士奇壽藏

天道存亡自有常知存豈得不知亡樂丘何處堪休息
湧水源頭有壽藏
載酒觀瑩客莫悲孝思寧及奉惟時問天更借錢鏗壽
却抱曾玄向此嬉

題石首張國持畫

劍倚崆峒事渺茫
一葉孤舟二草堂
無復掛扶桑
秋山秋水多行樂

驢背無詩渡灞橋誰披鶴氅步芳郊江天萬徑人蹤絕
獨對梅花與定交

輓吳希賢學士二絕

舊是瀛洲閬苑仙玉堂專秩更南遷仙魂近到壺山否
花落猿啼月滿天

芝蘭入室不聞香朝露晨星事可傷玉珮瓊琚他日傳
後賢應識漢文章

舟遊歌風臺

萬乘酣歌故里時四方兵革尚奔馳留侯仙去歸彭死
猛士非伊更有誰

赤帝分明是赤龍生祥大澤事非空何緣赤子歸豐上

不起龍祠祭澤中

謁淮陰祠

鍾室英魂一劍紅此時諸呂正謀封漢雖自戮劉家將
天却全誅呂氏宗
忠性仁柔呂性粗高皇應悔列侯誅驚心龍馭升天日
飛詔軍中殺狗屠

題畫

曾結茅亭住楚丘
昨詩多是弟兄酬
湘雲別後湘山遠
負我桃花洞裏舟

題松

長松滿院手親栽
風雨盤枝屈鐵迴
老鶴巢成黃雪落

青山笑我不歸來

黎文偉公集卷之四

七言律詩

早朝四首 酬鄒

同年

玉燭當空照八荒，衣冠萬國共賓王。
儲皇問寢來宣室，天子朝元御總章。
海水自同恩浩蕩，爐烟俱是德馨香。
賡歌幸際明良會，願祝姚虞繼有唐。

天開隆運闢鴻荒，咫尺金門覲

聖王。月轉上台明黼宸星環北極，煥文章宮中露滴傳。
清漏仗外風來散，御香鴛鴦滿庭周。睿覽好陳謨，訓答
陶唐。

八表車書混朔荒，雲車五色奉

君王貢琛奠贄行賓禮吹竹彈絲奏大章禁柳漸稀雲
有影宮梅乍放雪生香淺材謬忝詞垣客欲報瓊琚愧
盛唐

君才自昔重遐荒况復遭逢古

帝王四海羅英標斗首五星同日聚奎章鳳麟薦瑞斯
文顯龍虎題名御墨香會有功勲裨盛治臯夔那得擅
虞唐

送胡祭酒考績之南京

課最南田領辟雍九重嘉念舊勲庸天留時雨濡冠珮
人在春風聽鼓鍾韓愈有功唐道學賀循無愧晉儒宗
爨調早擬歸廊廟千載明良運已逢

送張尚書致仕歸南郡

節鎮南畿久致躬愛君憂國一心忠西京走卒知司馬
東土黎民戴畢公梁柱九天擎曉日菊松三迳動秋風
他時漢室論勲業不愧麒麟第一功

題松月書樓詩卷

千箇長松百尺樓每邀明月共遨遊天浮灝氣龍鱗動
地覆清陰兔魄流自可百篇吟晚歲還宜樽酒醉中秋
蚪枝與桂如同折何用當年玉斧修

袁衷主事竹庭

琅玕舊種滿庭陰粉署移來得趣深明月影中宵載酒
綠雲堆裏畫橫琴旌幢翳鳳曾為瑞風雨驚龍或共吟

東閨梅花今已老不妨同結歲寒心

輓胡叅政

三鷗曾兆講帷祥萬里丹青見鳳凰
楓陛晚雲簪綵筆
徽垣春日佩金章賢名自比吳山重
哀思俄同浙水長
却憶旅魂歸夜月椿萱猶為白頭傷

梅月為林彥洪其家業醫

姑射迎陽抹淡粧素娥邀得共年光
金波泛雪春無翳
玉樹飛蟾夜有香夢入羅浮聞翠羽
神遊碧落見霓裳
何妨添尔千株杏併作三朋薦壽觴

輓江編脩父兼送東之焚黃

早從

先皇直紫微蜀山迢遞旅魂歸雲隨劍戟升黃幄月伴
詩書掩素帟牽樹陰中麟冢臥桂枝香裏鳳雛飛何當
化作青城鶴來看焚黃畫錦衣

題四友齋

翠蓋蒼旌伴素英歲寒添得野翁盟大夫杖倚瓊花樹
姑射琴和綠鳳笙自保堅貞同晚節肯隨輕薄鬪芳榮
雪中悟透商山樂我欲分渠半榻清

送朱唯正父

白頭來聽鳳雛鳴洛社衣冠見老成湛露有
恩常遠膝浮雲無事可嬰情城東酒盡攀花落月下舟
回載月明借問幾時驚詔錫乘鸞還擬拜神京

送同年徐綺歸省

風虎雲龍際

聖明早魁金榜侍彤庭學搜壁府諸家傳光聚奎章第
五星恩渥曉辭瀛海翠別愁秋入越山青花時見月應
憐我定想聯班對御屏

送石首袁廷佐太學歸省

桂枝高折廣寒秋人物當今第一流鉅永未開龍虎鼎
棟梁終起鳳凰樓車行潯野連雲去馬度荆山踏雪遊
想到親庭甘旨暇幾回緘素寄瀛洲

送僧惠銑住持杭州永福寺

蕭寺璇題

勅旨新梅臺許住夙生人性將水月原無我身入雲霞
別有春絳闕久聞珠受戒青山還待錫飛神虎溪聽法
如能送他日來為惠遠賓

溫良中書母壽八十用柯少卿韻二首

恩到榮親世所難極知天眷寸心丹山中鹿駕乾坤闊
洞裏魚軒歲月寬連壁福星長夜照如瓜仙棗及時殮
可憐奩鏡孤鸞老化作金旄誥裏鸞

期願此去不為難春雨容顏儼渥丹子職已從榮後盡
母心偏向樂時寬花裁獸錦和雲看樂撫蟾宮帶月殮
即此長生寶真誥碧桃何處更鸞

慶李木母七十

珮玉鳴珂七十年曾分錦誥

玉皇前天庭寶婺中宵降雪澗貞松晚節堅白鹿自隨
雲洞女玄霜難老月宮仙從今食祿三千歲黃髮時歌
魯頌篇

洗馬圖

澡雪天閑二十蹄玉河流水不聞嘶功成願洗沙場血
志遠嫌汙錦障泥鳳臆出花雲影濕龍鬃露柳陰低
江都造化誰傳得駿骨今來費品題

送潘榮給事使琉球

南風捲海送樓船使節來從日月邊水到盡頭還有地
人生化外本同天山河帶礪分新爵麟鳳文明降列仙

從此殊方世來享勲名不讓漢張騫

訓導陳汝母壽六十

兔杵升成桂月圓姮娥仍是黑頭仙人間下壽綵今日
天上元宵又一年瑤海穩驂鸞鶴馭闕宮高敞綺羅筵
詩成乞與兒酬德慈歷從今更幾千

史官劉紹和安成人屢為予言其鄉元陽觀之勝
作詩志之

水到金田去復迴名山別是小蓬萊丹砂伏火虛琳館
瑤草開花上石臺雲外笙簫吹鶴降雨中符檄喚龍來
烟霞肯許閑人喫會看荷衣步紫苔

為龍溪王彛賦霞城書屋京國觀光二首

城上晴飛萬疊霞城中人住鄴侯家室虛解養蘭芝氣
工巧難容玉石瑕麟族角仁還受綬鳳梧枝老更開花
泉聲休雜書聲去中有春雷未化蛇

右霞城書屋

暫擲任竿越海東排雲來謁蕊珠宮千門柳映藍袍綠
九陌花迎華轂紅適意自歌琴律呂報恩猶匣劍雄
馬周尚遇常何薦今日吾慙獻納忠

右京國觀光

萬棋郎中母壽七十四

雪後孤松節愈真垂陰養就石麒麟絲綸閣下宜人誥
翼軫星邊壽者身曾頌自歌黃髮貴潘輿時醉綺羅新

願從滙母求仙訣更住洪厓一萬春

題王牧之畫梅

鶴去西湖不可招冰霜遺像付生綃影從姑射山頭落
香到含章殿外消歲久蛟龍盤老幹春初瓊玖出新條
牧之官寓江南意添我騎驢渡灞橋

送周孔賢別駕吳興

金盞秋澄笠澤波江山樂事使君多五亭風月邀觴詠
萬室樓臺掩芰荷已贊府公成吏治還隨野老聽農歌
青雲驥足從今展秩滿登朝振玉珂

陳彥益陸孟昭外兄也孟昭為予屢譚姑蘇之勝
因彥益歸書以送之

百里紅闌萬樹烟人家都住畫橋邊花時鹿走吳王苑
潮後魚吞陸羽泉雲外舟航銀海客月中歌管玉樓仙
君歸若訪寒山寺寧復鍾聲惱夜眠

畫梅

占得江南第一春不依林壑不精神避他潮岸騎驢叟
伴我孤山放鶴人暈影半窓橫雪月香魂萬片晚風塵
累累結就和羹實却恐徵求到隱淪

送張都憲純致事

樵蕪將刈到稀年乞得身閑即是仙花下酒香數月醉
竹間詩倦抱雲眠人情自重耆英會天意寧忘柱石賢
應過渚宮尋七老菊潭斟酒壽芳筵

免毫筆贈吳忠蕪以詩勗之

養就山中劍戟鋒拔毫榮拜管城封豕父龍牒宜承命
斧袞麟經待策功心正六書規諫在花生五色夢克通
凌雲贈尔丹墀用禮樂縱橫早獻忠

送方新同知韶州府

貳藩分命下層霄東去韶陽路已遙簪綬壯年為大郡
衣冠屢葉盛前朝枕柳綠隱梅邊驛薛荔青連竹外橋
况有文翁賢郡博應同陟石訪虞韶

輓行人黃鍾母彭氏

金母瑤池脫殼初泛槎仙子賦歸歟蟠桃正熟千年實
青鳥俄沉萬里書花斷錦機春寂寞月荒慈竹夜蕭疎

他時想拜青都物霜露含淒恨有餘

華容譙文顯家藏孫宜人所寫紅梅索予賦詩賡
韻以答之宜人任尚寶配也

宴罷瑤池見玉人濃粧被酒最情真丹砂換骨仙風遠
絳雪凝香國艷新十二寶釵樊素口三千脂粉月娥身
北方觀畫休疑惑此本江南第一春

環翠樓

山圍南北復西東樓在層城萬樹中松竹引雲來戶牖
澗溪招月到簾櫳星垂曠野疑堪摘路近丹霄或可通
奕世文峯高卓筆宣無孫子擅文雄

瑞陽雲帆為林惟盛題

帆度釣陽掛晚風人生辛若利名中天連楚水無窮
地竭滄溟有路通轉岸近拖寒鳥白拂霞遙帶夕陽紅
舟邊望見飛流瀑不敢題詩繼藥公

題九絲圖

碧荷秋老柳風寒晴日飛來玉九團圖盡妙傳人意巧
水雲偏稱物情寬含靈變動餘清賞造化流行愜靜觀
鵝序迺來陪逸羽楚天鄉思滿江干

輓永州府通判黎坦

為郡祁陽漢吏循黃堂春意正歡欣已留陳瑾郊恩在
不待王祥爵賞分間氣鄉山埋壁玉旅魂霄漢動風雲
謝庭遺澤芝蘭好家有靈祠墓有文

雲蘿草亭為僧智旺賦

入定青山閱歲多，草亭因結在雲蘿。
舊聞大覺傳龍鉢，今見禪師住鳥窠。
秀色爽秋明佛性，清陰注夜養天和。
趨朝說法歸來早，方丈曇花又若何。

松雲禪隱為僧大曦賦

山多屏翳絆蒼官，寄此栖禪久更安。
空翠入軒留鶴睍，天花繞鉢護龍蟠。
醉攀五粒吟朝靄，坐倚重綃閱歲寒。
關下人歸塵世遠，吟吟鍾磬在層巒。

蜚英鄉榜為余鼎實賦

詞鋒三度捷文場，從此才名四海香。
丹竈九還飛姹女，金爐百煉出干將。
朝天感集唐龍虎，佐郡何論漢鳳凰。

今去永嘉如見月好攀桂樹嗅遺芳

輓徐文憲郎中父文

楚芳難招去鶴鳬誰傳理學紹前聞
控雲昔愛君如竹梁月今疑竹是君
正氣鍾靈歸海嶽清才留恨付詩文
贈官幾卷推恩勅不盡幽蘭奕葉芬

送周祭酒克佐之任南京

滌遷學士為師氏一伐儒宗道德崇

帝意未能忘鄭穆人心先已服韓公
萬年斧袞麟經筆四海儀刑泮水宮
扶植斯文藉梁柱梁高合在廟堂中
杜邦彥下第還公安

未躍龍門志未伸暫隨貢舉會斯文
匣琴有幸逢知己

璞玉無慙獻

聖君萬戶曉鍾辭日月三春槐市接風雲宮牆一入還
家早更取新知擴舊聞

分題史館校書送李克述侍郎致事

東觀南宮二十年每揮彤管校群編日星忠義垂千古
斧鉞茲回到九泉梧老更生雛鳳樹鶴歸猶繞曙鍾天
昂昂勲業麒麟畫留取高風振後賢

雷士弘雪中之任秋浦同知燈下贈別

朝天自竭寸心誠萬里關河足馬行白雪正愁歸客路
青山難改故人情酒醒孤館聞雞早詩入平原見鴈橫
應與梅花有深契相逢馳寄一枝清

送胡貴德英山主簿

故里衣冠盛兩京
龍陽儒雅重君名
六書心畫先秦古
三禮儀文小戴精
枳棘春風鸞暫宿
梧桐朝日鳳還鳴
長官況是賢鄉舊
定布仁風滿邑城

輓荊州太守李人儀

豸角當朝觸大奸
早知韓子謫陽山
賜環幸獲承龜組
擁蓋重來拜玉班
劇郡才雄師旅日
歎年仁在野田間
蒼蠅點壁誰能汙
萬里家山旅觀還

送章明入監

宋室龍圖九葉孫
江南文獻至今存
縣庭莠李先人澤
壁水衣冠

聖主恩天日九重辭鳳閣春濤三級近龍門尋幽想到
梅坡下寒雪花開正滿園

題進士李廷璋瓊林宴歸圖

宴罷瓊林下九重人如星鳳馬如龍四方豪傑中原會
千載明良此日逢堤柳拂衣雲錦麗宮花壓帽露珠濃
那知不是神仙骨上到蓬山最上峯

寄鄒同年二首

功名富貴等鴻毛湖海元龍氣已豪溪谷姓愚曾累柳
菊松有主却歸陶青山掩映秦淮酒綠水流連楚客騷
想見寸心懸列宿終宵長拱北辰高

兩綰銅魚下九天人誇吾榜好同年豈無將聞芙蓉幕

不換家山玳瑁筵花拂燕衣紅酒露柳藏鶯曲翠生烟
知音奈此多離別欲按金徽思渺然

胡廷言以縣丞改除福建按察知事詩以贈別廷
言廷慎兄也

縣庭詩不到蒼官栢府開池早泛蓮龍虎我隨難弟貴
藩垣人慕令翁賢宦情明月清風吏客況丹山碧水仙
網憲有如陶侃在武昌多士更流傳

金臺別意送同年徐若川歸省

燕臺流水趨東海不比同年別意長千古弟兄聯甲榜
兩京日月共

恩光雲霄虎拜花迎珮江海鴻歸菊有霜聞道秋官足

春意才高天肯滯中郎

送羅明仲編脩歸省

東海詞源北斗魁
龍洲文運挽重回
從白玉堂中拜賦
許黃金殿裏裁
上世推

恩雙鳳勅南山
慶壽百鯨盃
舊時憂國勤緘疏
歸路寧無負此才

送黃先生教諭桐鄉

西川道德去仍留
今教吳鄉亦勝遊
模範有光新縣治
衣冠無改舊儒流
飲邀竹月青山愛
吟歛珠犀碧海愁
壇杏着花經濟在
可無人士薦由求

松鶴軒為宣謙題

軒外蒼官宿羽山吟哦端勝在藍田節因冒雪高依日
聲為鳴皋遠徹天坡夢欲醒初轉影秦官已老更延年
主人他日開三逕陶令連翁不獨賢

香山歸隱送宣謙縣丞

香山不是洛陽山人愛香山結社閑黃髮不隨官位老
白雲先匠主翁還忙中軒冕風塵外醉裏乾坤水石間
過客欲求花滿路題詩想在竹溪灣

送同年王尚文謫官嶺南并序

自今人有三類一曰死節義二曰立功名三曰
享富貴天下事未必不由享富貴人壞之至其
甚也世降風移忠臣讜士抗疏論列而死節義

人被其禍矣又至甚也然後立功名人從而扶
持補綴之乃得復完然天下之福非立功名人
所得受也別有一等享富貴人起而受之而前
之立功名者風斯下矣是三者恒相因焉予於
同年王尚文南行重有感嘆賦近體一章以贈
其別

孤忠自古立身難遷客長沙久未還雨露每榮新草木
雲霾猶隔舊關山行穿竹箐心常苦詩入梅花夢亦閒
宗社有靈天眷在昌黎豈得老南蠻

梅坡為趙傑賦

竹坡荒冷菊坡顛別壑高坡種野梅清取雪霜為伴侶

貴教桃李作與莖橫窓畫與添詩句飲月竟來侑酒盃
結子還應薦商鼎春風幾度擢花魁

輓趙傑夫婦

劍化雙龍會碧波秋霜春雨柰愁何瓊飛萱草惟空室
玉碎梅花尚滿坡冀邑原田賓禮盡鹿門烟樹客懷多
館生貴不忘喬嶽收徧壑坡薤露歌

題畫梅

早傳春意雪中來萬紫千紅不敢開天上巧分明月影
人間先占上林魁興留連老孤山句香入坡仙古寺盃
造化能為商鼎味丹青有妙句新裁

題紅梅圖

夜醉羅浮卧酒家冰肌玉骨換丹砂寫真偶此逢三昧
開卷常時見萬花盡掃雪霜鍾間氣冰疑桃杏炫明霞
蜀川局閭詩猶在更詠新詩捲絳紗

題林逋觀梅圖

人言逋老憐梅甚不識梅花即是逋山聚英靈歸上古
雪將清味浸西湖詩中放棹仙苑近觴外開籠鶴影孤
應與伯夷同志趣蒼松翠竹共為徒

鰲溪歸樂送謝輔方伯致事以鰲比興

溪上名山像海鰲舊時闢地有功效動來首戴三山遠
靜後身排四極高不遣客垂明月釣更邀鯨吸翠雲濤
方壺圓嶠從今穩坐看池頭長鳳毛

送呂洪憲副廣東

三尺泉阿百鍊鋼，往來當道擊豺狼。
星軺遠霽滇池雨，綉斧重飛越海霜。
臣妾百蠻歸大漢，衣冠五嶺化皇唐。
行臺夜夜天垂月，見說妖氛不敢揚。

送楊文貴資陽教諭

大江東去繞資山，蜀國才多此地寬。
縣治百年斯復古，師儒五教特遷官。
草玄亭老家猶在，滌硯池荒頌可觀。
二趙科名冠今古，豈無門第繼登壇。

送丁敏上饒教諭兼柬太守張成之

沆芷光風映澧蘭，龍門昔共化驚湍。
帳移東陝曾遷馬，斗轉西吳更仰韓。
矜式國人惟有道，宗師古聖不論官。

蜀中况喜文翁在休嘆青槐博士寒

送劉鍾教諭無錫

北都遷秩教南都忠義名門有鳳雛家學素王壇上史
官階季子邑中儒江山興味歸篇什鍾鼎神靈出範模
况喜棣花蕃德海聯芳此日盛三吳

竇道原釋褐胄子歷知武緣績溪二縣善政在民
未老致事詩以言別

懸車不待髮垂銀民社賢勞十六春西廣久褒言偃績
南都猶借寇恂仁林花載酒青山舊苑竹留茶白日新
尚有陰功在孫子任渠傳述作賢人

題梅花魁選圖

古時月桂稱三色今許寒梅亦共名春在百千花卉上
恩同第一甲科榮丹青品藻人祥瑞造化鍾成物弟兄
金榜準期題御墨雅懷無限故園情

題工部侍郎李顥寵榮卷用柯學士韻顥布政浙
江來朝受燕賞也

丹詔褒榮出鳳墀十人端是萬人奇南閩節操冰霜共
東魯人心草木知禮似彤弓頒賞日恩如采菽燕賓時
此生忠義天垂鑒身世何曾愧秉彝

題童庶子觀泉圖

萬壑奔雷落翠微若非匡阜即峨眉到渠草坐凝眸處
類我雲樵得道時塵俗自然如願了英靈誰敢作文移

平生泉石烟霞事付此無聲半幅詩

送淮藩紀善袁實之

鄉榜曾同月桂枝三年化蜀進階資吏官職業賢藩重
吏部魁名

聖王知昂鵠益梅資碩學棲臺山水待新詩河間禮樂
渙重獻樽酒論文尚有期

送鄭州太守洪有約書最還任

故人為郡古滎陽雨露行春徧一方部使屢章褒吏治
州民比屋事農桑臺荒戢土兵塵靜水涸鴻溝草木蒼
歸去天恩滿城郭函書應擢漢循良